## 山庫全幸

史部

欽定四庫全書

史部

江西通志卷一百四十

校對官中書臣潘莲筠總校官知縣臣楊懋珩 謄録監生臣胡金芝

詳校官監察御史 范 表

檢計臣德生覆勘

欠了可見 二十 通志卷 者之志不惟 **ボ以政理**シ 一書啓 饒州論政理書 百四 盛孔子曰吾與回言終日不違 江西通志 無禄秩足已而已獨以富 柳宗元

一莫之省富者愈恣横侈泰而無所忌兄若所遇如是則 市於吏則無富之名而有富之實質者愈困餓死亡而 求於吏所謂有質之實而不得貧之名富者操其贏以 樊政之大莫若賄賂行而征賦亂尚然則貧者無貨以 疑焉兄所言免貧病者而不益富者稅此誠當也東理 将信其故乎是不可懼撓人而終不問也固必問其實 政之後固非若此不可不幸東弊政之後其可爾即夫 如愚然則蒙者固難曉必勞申諭乃得悅服用是尚有

医为口尼 台言

卷一百

災定四軍全書 安今富者稅益少貧者不免於据拾以輸縣官共為不 均大矣非惟此而已必将服役而傭使之多與之田而 哉若曰止免貧者而富者不問則僥倖者衆皆挾重利 取其半或乃取其一 為不均何哉孔子曰不患寡而患不均不患貧而患不 增焉則貧者亦不得實不可免矣若皆得實而故縱以 以邀貧者猶苦不免焉若曰檢富者懼不得實而不可 問其實則貧者固免富者固增城矣安得持一定之論 一而收其二三主上思人之勞苦或 江西通志

言管子亦不欲以民產為征故有殺畜伐木之說今若 其堵雖驅之不肯易也檢之逾精則下通巧誠如兄之 則又不可兄云懼富人流為工商浮称蓋甚急而不 夫富室貧之母也誠不可破壞然使其大倖而役於下 矣夫如是不一定經界聚名實而姑重改作其可理乎 減除其稅則富者以戶獨免而貧者以受役卒輸其二 三與半焉是澤不下流而人無所告訴其為不安亦大 有此平若富者雖益賦而其實輸當其十 一猶足安 均

**気にり事を告** 安有不得其實不得其實則一社一村之制亦不可行 誰耶理數獎數理則其說行矣若其獎也蒙之說其在 之所見及此而已永州以解隅少知人事兄之所代者 矣是故來弊政必須一定制而後兄之說乃得行焉蒙 恩惠嚴責吏以法如所陳一社一村之制遞以信相考 非市井之征則捨其產而惟丁田之問推以誠質示以 可用之數乎 答户部在侍即書 江西通志 白居易 Ξ

侍即院長閣下户部牒中奉八月十七日書且承康寧 金りり 頃與間下在禁中日每視草之版匡牀接枕言不及他 書且知無恙矣終垂問以心地此最要者縣梗概言之 委順任化而已次垂問以體氣除舊目疾外雖不甚健 喜與抃會并別觀手翰訪叙綢繆何春好勤勤若此之 為用亦不至凍餒矣又垂問以舍弟渠從事東川近得 亦幸無急病矣次垂問以月俸月俸雖不多然量入以 不替也幸甚幸甚首垂問以鄙況不足云蓋黙默兀兀 たといる F むー

九七四年全生 開我退朝之服數獲晤言每話舊遊軟家見念此盖君 自足又或杜門隱几塊然自居木形灰心動適旬月當 之問則有厚薄而忘懷之後亦無窮通用此道推頹然 焉然自到潯陽忽已周歲外物盡遣中心甚虚雖賦命 子久要之心不為禁頓合散增減耳如不佞者又何幸 時亦似有得得中無得無可寄言來書云廳示可乎斯 不可也又知兵部李尚書同在南宮錢蕭二舍人移官 當以南宗心要互相誘導别來閒獨隨分增修比於養 江西通志

道與名不兩立尚有志於道者若不幸於外是幸於內 州來又孤幼弟姓六七人皆自遠至日有粮食歲有聽 省初心求仁得仁又何不足之有也前月中長兄從宿 很常數質猶憶之乎今之身心或近是矣退思此語撫 頃者接確論時走常有言薦於執事云心與迹多相戾 柳生於肘不能動其心也而況進退紫辱之累耶又思 此之際又不知居在何地身是何人雖鹏鳥集於前枯 衣餓寒獲同骨內相保此亦黙黙委順之外益自安也

といとりは上日中の 安適又適而不知命之窮老之至也院長公望日重啓 四月十日夜樂天白微之微之不見足下面已三年矣 愛者盡在其中此又兀兀任化之外盗自適也今日之 東西二林時時一往至如瀑水怪石桂風杉月平生所 沉廬山在前九江在左出門是滄浪水舉頭見香爐峰 沃非遥仰惟勉樹勲名勿以鄙劣為念 心誠不待此而後安適況兼之者乎此鄙人所以安又 與微之書 江西通志

僕初到潯陽時有熊孺登來得足下前年病甚時 寄聞僕左降詩云殘燈無焰影幢幢此夕聞君謫九江 服及他唯收數帙文章封題其上曰他日送達白二十 隔各欲白首微之微之如何如何天實為之謂之奈何 之心置於胡越之身進不得相合退不得相忘牽擊垂 上報疾狀次序病心終論平生交分且云危假之際不 不得足下書欲二年矣人生幾何離潤如此況以勝漆 二即便請以代書悲哉微之於我也其若是乎又睹所

金人口及白雪

卷一百

幸皆無悉長兄去夏自徐州至又有諸院孙小弟妹六 磯飽此一泰也江州風候稍凉地少瘴 為乃至她他蚊 かくこうりらいまう 僕自到九江已涉三載形骸且健方寸甚安下至家人 僕門内之口雖不少司馬之俸雖不多量入儉用亦可 七人提望同來頂所牽念者今悉置在目前得同寒暖 聞況僕心哉至今每吟指惻惻耳且置是事略叙近懷 垂死病中驚起坐閣風吹雨入船窓此句他人尚不可 雖有甚稀溫魚煩肥江酒極美其餘食物多類北地 江西通志

福白蓮羅生池砌大抵若是不能舜記每一獨往動彌 自給身衣口食且免求人此二泰也僕去年秋始遊盧 金万匹五百量 奉報微之微之作此書夜正在草堂中山窓下信手 旬日平生所好者盡在其中不惟忘歸可以終老此三 為牆垣白石為橋道流水周於含下飛泉落於簷間紅 泰也計足下久不得僕書必加憂望令故錄三泰以先 山到東西二林間香鹽峰下見雲水泉石勝絕第一爱 不能捨因置草堂前有喬松十數株修竹千餘竿青蘿

たことの見らせる 萬里皆然塵念此際整生餘習所牽便成三韻云憶昔 廬山自陷謝泊十八賢已還偶風縣縣相續不絕貞元 微之此夕我心君知之乎 封書與君夜金鑾殿後欲明天今夜封書在何處廬山 庵裏晓燈前龍鳥檻猿俱未死人間相見是何年微之 筆隨意亂書封題之時不覺欲睹舉頭但見山僧 (或坐或睡又聞山猿谷鳥哀鳴啾啾平生故人去我 代書 F) 江西通也 啊 子方淪落江海不足以發軻事業又亂病無心力不能 若異孟三卷豢龍子十卷雜文百餘篇而聖人之旨作 軟來示子予知軻志不息一日必能跨行楊而攀陶謝 者之風雖未臻極往往而得子佐潯陽三年軻每者文 草廬於嚴谷問者猶一二十人即其中秀出者有彭城 初有行載楊街輩隱焉亦出為文人令其讀書屬文結 人劉軻軻問卷慕孟軻為人東筆慕揚雄司馬遷為文故 一旦盡實所著書及所為文訪子告行欲舉進士

金げんでんとこう

次定四年全事 图 藍田楊主簿兄弟彼七八君子皆子文友以子愚直當 未死去矣特此代書三月三日樂天白 一口拾遺金部元八員外監察牛二侍御秘省滿正字 **倫致書於臺省故人因援紙引華寫胸中事投軻且曰** 平生故人知我形體已悴志氣已憊獨好善喜才之心 信其言尚于今不我欺則子之道無幾光明矣又欲使 子到長安持此礼為予謁集賢庾三十二補闕翰林杜 上座主書 江內通志 劉

非公有司於已也軻也愚敢不以是規軻本沛上耕人 伏惟寬明少冥心察納伏見今之舉士競取譽雌黃之 得以書導志軻惟嗣魯祖隸山野未熟去就悚惶惕息 代業儒為農家天實末流離於邊徙貫南都邊之人嗜 神鉄两尚自低却已定於徇己者之論是私已於有司 口而知必也定輕重於持衡之手雖家至户到曾不足 軒今月十日祇奉榜限納雜文一卷又聞每歲舉人或 金シログン **就味異乎沛然亦未當報耕捨學與邊俗齒故處邊** 卷一百

反足习事人 發聲光於幽恆雖不欲雌黃者之所輕重豈不欲持衡 為墮棄矣流光自急孤然一生一日從友生計裹足而 又寝成書癖故有三傳指要十五卷十三代名臣議十 卷翼孟子三卷雖不能傳於時其於兩曜無私之燭不 **轉或農園餘隙積書總下日與古人磨確前心歲月悠** 山之陽日有沒存畚築之役雖震風凌雨亦不廢力大 如沛焉貞元中軻僅能執經從師元和初方結廬於廬 西京邑之大居無環堵百官之盛親無瓜葛矣夫何能 F 江西通志

望而已亦宜實公器而荷百禄豈祗區區世人已哉軻 清明重德鎮定羣應街鏡在乎姆妍輕重之分成希一 芳入幽不以孤秀不損棟金於沙不以泥土不取閣 也其生微末甚乎魚鳥魚為微物猶能依茂林清泉以 定俾退者無屈詞進者無幸言夫如是非獨慰四軍之 自謂此心宜如何答也皆讀史感和璞之事必獻不 三別不至再必獻不至再殆幾乎無別矣伏尚閣下以

金グアカイラー

者之斤鉢即此軻所以中夜情激願從寒士齒庶或零

夕已 日年 台 之門子 道才位相稱功德可圖此有志之士所以願忠於僕人 支王業屬在賢人況樞密學軍國之權明公通古今之 奉書樞密諫議明公閣下伏以天時否結海內煩費力 慶應四年六月四日應茂才異等科李凱謹西望再拜 厚其生别體乾剛坤順之氣不能發跡於大賢人君子 寄上富樞密書 ... 江西通志 觀

金分尺屋石量 商有餘貨鑄山煮海財用何窮水行陸走饋運而去而 也吳楚之地方數千里耕有餘食織有餘衣工有餘 計而度支經費尚聞有關是天下無江淮不能以足 也觀江南人請言南方事當今天下根本在於江淮天 不聞有一物由北來者是江淮無天下自可以為國也 汗口之入歲當數 百萬斛金錢布帛百物之備不可勝 下無江淮不能以足用江淮無天下自可以為國何者 有變得不為廟堂之憂而姦雄之幸乎議者多輕 卷一百

たいとりあしたかう 今而後焉得此愚暗之賊又焉得此神武之師乎以治 失政之餘殘殺忠臣恭惑羣小兵叩城下猶未知之而 空墨而就拘哉惟無聊之人填 是懼不得已而為之 之卒伍例非勁健必也小有材力自己别營衣食安肯 東南謂為怯弱而不知為官軍則怯為亂賊則勇矣令 之易而謂事勢常然殊不知以我宋應天之始乘李氏 怨憤過有親親則安知其無勇也世俗但見藝祖取之 耳謂之怯也不亦宜乎若夫驍悍之資狡猾之性因緣 江西通志

金岁四屋石雪 擾其後畏首畏尾力屈貨彈當是之時雖周公為相太 善而不能以一矢加於孫權者非特山川之險亦以馬 閱人為弓手鄉間之內驚擾百端曾未幾時已聞停廢 然且伏而未起有所待也不幸一旦邊都戒嚴而判揚 超韓遂在關西故也今之輟耕壟上豈無鴻鵠之志者 討亂尚難為計以亂攻治将如之何曹公用兵不謂不 公為将恐無及也幸令無事何不早為之所三四年前 東紫廟堂之上何以洪之長淮大江輕其前西師北敵 卷一百四十

九三四年全世 窮困旋置妻孥一動其心復何所顧此二不如也夫弓 益且有害焉昔者之籍弓手也自成丁以上皆与令親 眾多自重其身不為罪惡彼點額之徒率多無賴階於 如也夫弓手本乃良民徭於公上或田園富厚或骨肉 所願當職之吏務登其數雖其為怯亦預收錄此一不 擇之稍有強壯悉無逃匿彼宣毅土軍既曰募人須從 之弓手雖無取而宣毅上軍又不如弓手遠矣豈唯無 而募諸宣裁繼以土軍聖朝用心小子何見然以意論 江西通走

禁旅若主将無惠失於無循姦回矯記卒然起發因其 動謂為有備盖未之思矣夫用兵之道宣特武藝而己 宣惟無益且有害也朝廷徒見名籍之彩且聞講習之 怨恨警以記言不出城圈自為強賊未可知矣此所謂 較之容動皆取笑騙盈之氣已欲凌人雖無武功自謂 其籍是取無用之人為匱財之本此三不如也觀其能 名始十餘萬一歲之費無處三百萬矣加之土軍未知 手訓練有時團結有處散歸虚井無預麋給彼宣毅之

金りで

かくこうし

7

を一百

欠已习最 EN 字郡監兵職為将帥奉行邦典豈敢他言恩意不通路 知禮於是乎大鬼以示之禮民聽不感而後用之故能 哉先在治其心次乃用其力昔晉文公始入而教其民 人而已立尸之地何以使之别将帥之材在乎奇偉而 與士卒共飲食而愛樂為用上下相得豈徒然哉今之 利民人曰民未知信於是乎伐原以示之信又曰民未 二年欲用之子犯曰民未知義於是乎出定襄王入務 戰而霸後雖不及猶有吳起吃疽而戰不旋踵李廣 江西通志

減資糧且實役使其存者則析其部伍易地而居名之 文法捉筆不敢斷而望其一步百變赴死如歸何可得 今所謂良吏者小心畏忌之士耳彼欲笞人數十猶顧 使稍供差遣以代舊之屯駐屯駐者又還故郡則廂軍 也嗟乎既住不答來者可追宣毅土軍聚之已久誠不 可省招收矣此亦防患之微意而節用之一端也其於 可去然宜於不可去之中刑其尤無用者降隸於廂既 一離其黨則無構釁之發去其鄉則為與發之新

金号正是 百里

悉一百

古然矣何不於朝野之間舉守郡監兵之職勿拘資級 にんりしていたう 室或以匹夫而亡秦族逆順之心豈皆形勢使然也況 重耳非無土地陳勝吳廣宣是侯王或以霸主而尊周 淹之歲月庶可鎮安若謂假以威權事當疑阻則小白 臣為之節制重其操柄許以便宜辟白豪傑咨詢計策 務取英才至如荆潭揚壽昇洪杭福廣桂諸郡宜命大 章示武成備架他盗無势益衆惟在選野商周不敢自 今賦敏之煩數倍常法旱災之作絕異曩時民力罷嬴 江西通志 中山

金万里及石雪里 白刀相臨守死則無名脅從則有罪所以夙夜憂懼寢 地解在一方憧憧衆人無可與計事者當恐小才為累 輔解紋易調正在此時謀人之軍師邦邑尚有危敗是 衆心愁怨造形而悟其可忽諸明公受國厚恩為世賢 食弗選不知我者謂我何也語有之可為智者道難與 誰過數親自惟迂闊之流實無榮禄之望但恨養生之 俗人言瀝血書解敢告執事幸而惟幄之壽不舍無人 之議歐我元元濟於仁壽則觀也得保首領以沒受賜 ij

**定司日在自由司** 士大夫於氏族尤不明其選徙世次多失其序至於始 封得姓亦或不真如足下所示云曾元之曾孫樂為漢 矣大懼不能稱述世德之萬一以滿足下之意然近世 也示及見託撰次碑文事修於人事多故不近文字久 修白貶所僻遠不與人通唇遣專人惠書其勤豈勝媳 多矣所著慶歷民言三十篇謹錄上獻伏惟少賜觀覽 仰犯釣台豈勝惭懼親再拜 與智章論氏族書 江西通志 歐陽修 土五

幾四傳者宣帝時分宗室趙項王之子景封為都鄉 金炭区层 台雪目 則據之去國亦不在恭世而都鄉已先别封宗室矣又 有終前漢而國不絕者亦無自高祖之世至平帝時侯 年疑亦非四世以諸侯年表推之雖大功德之侯亦未 於史記皆不合蓋智元去漢近二百年自元至樂似 都鄉侯至四世孫據遭王恭亂始去都鄉而家豫章考 曾孫然亦當仕漢初則據遭恭世失侯而從蓋又二百 據姓名皆不見於年表蓋世次久遠而難詳如此 卷一百

山賜假借宣獨逃於吏責又獲與於薦章世家厚恩不 欠足可事 全里司 **基賦性之愚筮仕伊始自天與幸得公來臨伏家寬明** 山州無文字尋究幸察 之後皆姓曾也盖今所謂卽氏者是也楊允恭據國史 道之問耳今云洛苑使者雖且從所述皆宜更加正者 所書當以西京作坊使為江浙發運制置茶鹽使乃至 曾氏出於即者盖其支無自別有為曾氏者爾非即子 谢洪帥大監 江西通志 孔平仲

報竊見故散騎常侍徐公鉉墳在公所治 郡新建縣西 方春云幕于氣極暄更祈順序養安慰人屬望 欲借留於善政上方圖任於老成還朝之祭倚席可俟 惟鍾陵之巨鎮據江左之上游軍民至穰談笑以治衆 之險淹留在道稽緩馳書雖未譴誅然甚惶恐恭惟其 勝感激士重知已何以報償間違察或之嚴衡冒波濤 金グログイニョ 官抱器問富進辰穆清累更中外之繁夙著聲實之表 一洪州孔大夫論徐常侍墳書

沒其地代其松柏以治屋宇行道知之往往為之掩泣 とこうう ことう 弄其主擅與甲兵喪師蹙國時無一人敢非之者公獨 竊惟南唐舊臣如公之比蓋無一二方陳覺馮延魯愚 故人奉新胡克順葬之胡氏昔為大家克順慕公高義 春秋時祀頃未當廢自克順死胡氏衰公之墳城荒弟 公所葬地本其先瑩公家既無子孫契券亡失官遂籍 山鸞岡原徐公沒於淳化辛卯追今九十四年公無子 不治蓋有年矣聞自近歲民間利其林木至訟而爭之 Į 工馬順也

明公家本先聖先中丞忠義慷慨氣節凛然公行亦大 念使孙墳遺魄不至侵暴祭祀稍存熊採不犯不惟南 方直繼前烈如徐公華人隱之草木臭味不遠懂家於 後來今沒未百年棄而不錄仁人君子豈其然哉伏惟 之大節洛落如此雖使干載之後猶當推求遺跡以勸 朝夕公受命兵間不為身計義動中國至今稱之蓋公 金好四月全書 方士人找目倾心将天下義士知有所勸報言非所職 與韓熙載力陳其姦卒致其罪及王師南討李氏危在 卷一百四十

製哉為邑州家索錢急如星火縣庭為政安取於歌古 大江日日 日本日 道難行旁觀太息竊觀令元帥龍黃復出則知新令尹 羅楊標官海愛古人之 馴雜武大手於割難今者在官 寒冰銅盤甘露價重青錢白璧門森翠竹蒼梧脱顏俊 母之來 干冒高明不勝載越 奉的字民涓辰視印宰山水之縣五斗固屈折腰聞父 热靖安范令 一雷皆有喜色可無饋鯉往白飛兒某官王壺 江西迎志 舒邦佐

貴又峻涉於西清匪略上東曷東異數竊以久任之法 當繼烜赫之聲其辭滿有期參拜不日事大夫之賢者 車魯何難三異朝聞十行夕下真祖會攬澄清之轡耳孫 金万巴尼白星 升華紫禁因任洪都三錫之紫蓋未聞於南國次對之 稱於八載益亦既去而復來未有大書特書而屢書遂 又何假於雄規有先人之般廬願少須於常陰 往昔非無寇君願借於 賀程帥加待制三任隆與啓 一年止為請留而少駐黃霸雖 55)

次定四車全生 居侍從之地如親咫尺之天既以對其戀闕之思又以 台用食曰允谐又恐斯人之失依寧為大才而少屈提 **散吏以安民一意行寬大之書衆口滿循良之譽上曰** 州之主人甚慰西江之父老化點行於几席民自得於 之三千早結宸旒偏儀朝路雅容卿列少留惟月之班 湖山百萬之賦請蠲蓋為邦而固本分毫之罪不貸思 封駁瑣聞大展回天之力不肯尺枉力求外庸自作南 至一命再命而三命其官量容雲夢之八九學高珠四 江西通志

民旁午載於郡博士之重臨無勞施為請若寧一恭惟 去敢以書先 水之間而今有般廬在好樣之下感既深而喜亦極言 環靡谷卧報其音傳天上喜躍湘中念昔蒙賞音於山 金りなんと言う 龍其殿邦之精只恐齒絲保障難留舟楫鹽梅即聽賜 有盡而意無窮望滕問之驚飛難陪客從附衡陽之鳳 麾出守五馬南來威惠先庚不侍賢使君之三令吏 與吉州守王弱翁路 楊萬里

意泉之協同雨卧風餐側聽百姓咏歌之和樂又恐有 欠に可しいよう 使特起儒先復委勝流作鎮吾郡雲飛川泳将見諸賢 為肅霜惟其持方而入圓是以難進而易退孰知上意 判府寺丞剛大以直之氣魁壘絕俗之材當其在布衣 似厚江西擇兩禁論思之英于宣師聞至一道採訪之 之繁偉矣風稜之峻君子所恃以為砥柱小人所憚以 之中名滿三學及其立朝端之右望傾一時亟哉農政 | 州之怨當不免選諸表之求甚請外天從歸田日 江西通志 干

金为口屋白雪 逼就荒三徑喜淵明松前之猶存願受一廛效許子衣 竹之餘別辱從於大小籍咸之游兹復託於前後趙張 冠之自織學烧不腆遣騎以聞 踏風治之瓊瑶舊綴鵵鸞之末裂劍池之菡萏新分符 府寺正人門之懿兩隆學政之源 之契此其情誼之不淺豈俟聲盡而復明恭惟文代 中山珠玉之輝提干将而運青萍 回筠州交代俞守寺正啓 致懷連城而佩明 外迎犀咒之解

横翔于九棘屢決識於二 籍甚談者建之作江西道院之主人佳政自是其餘事 一传天上玉皇之香案細書即趣于遇歸某倦飛作癡幽 討成僻推情病鶴出樊籠而未能摩挲院猿幸惠帳之 故人之尚爾折 無意何上思之優渥界近郡之便安圍棋而燒換衣 願言多謝 こうし 州 到任謝周右相啓 梅而寄驛使魂芳訊之先焉敢拜重勤 工西通志 一桃草綠園扉星沈貫索至今 主

弘定四库全書 以來歸或甚之以繞月之烏或休之以遇風之萬彼意 賢相逢之辰在英俊並游之列紛十年其奔奏耿再命 交以絕游平章溪山檢校松前忽戍瓜之接近戒行李 ·咄逼人乞收江海之産匆匆就道方返舍而稅駕将息 非惡此愚不移居亡幾何又復妄發顧於婚嫁之役出 淹已趣班春之早伏念其山林野性筆硯苦心作賦非 天上仙山既收朝蹟江西道院復界使藩未容卒歲之 工敢自許同時司馬草元何用焉知有後世子雲當聖

百.

九己日日 在時日 蓋伏遇丞相盛德格於皇天孙忠貫乎白日所期相業 樂職之詩 萊猶假守行來酌清冷於丹井服之無致揆厥所元茲 一位於斯何先願賦宣弟宜民之雅以報其上庶幾中和 至周召而乃流宣俾吾君為堯舜而弗克旁招諸彦同 底隆平有如木殭亦在匠斲其敢不策其後倦勵乃既 於斯須求間得忙暫静復動自無仙骨非關差簿於達 與新吉守劉伯協 江西通志 Ŧ

於宇宙体役江右三劉之裔茂閥冠子雲霄不待見而 識耿介技俗之標堂其來而起中和樂職之頌恭惟判 恭審涓選岳牧保釐藩維偉然斗南一狄之英大名垂 賢宅乃承流之帥良二千石後稱西京循吏之遺風連 鹊袍萬人來游泮水台星三點下燭平泉畴咨可續之 淵源海同川會續公是公非之光豔電拆霜開播柳 府大中經天潛地之學挈國濟民之誤活子政子駁之 之最聲為湘江之表選緊我粉榆之社為今鄉魯之邦 

金万口石石

卷一百

得展魔統騏驥之足貳番君山水之邦靡行終更即膺 死已四事全書 图 然後入政修身乃能治人宜所至之有聲該無入而不 過於厚減來以朋恭惟其官世襲衣冠家傳詩禮學古 **竚登紫荷玉笋之班聯某久挂雙纓将撰二屢扶杖聽** 說即望見於懲折當户抱兇敢忘規於強本 麾出守迹濫風於九賢同官為僚治實資於半刺禮 萬艘前借東坡送行之佳句小漱白驚青原之芳潤 答饒州蔡通判 江西通志 喜

金グロイグラ 邕之舜 迅程其誤被宸命濫持即符雅聞别来之賢喜見天書 之面通家自今日行登元禮之門異才非王孫誤倒祭 昨日裝何三峽奉候久之既以日暮遂東走楞伽折桂 失此一 屋仰勤神用方丈窗牖只於两旁為之大小隨意可山 承手示聞還自德安體用沖勝良起昨夕聞山間雨頗 西原崔嘉彦二首 一見殊恨想也奉告於審即日殘暑道體佳勝庵 卷一百

匹十

日にしている 日本は 大は大い 合力為之已有者不別致則亦易為力也書辨之以公 見已有數冊恐致重複若以呈二文托并報陸倉三司 **劉子懇之及前此亦當求之陸倉矣度諸公必見許然** 白鹿洞成未有藏書欲干两漕求江西諸郡文字已有 器俟一面措辦旦夕得雨後須一出郊諸容面道或因 活足城中殊少未敢廢禱祠也所喻當為立之庵中以 人城幸左顧也 與黃商伯 江西通之

事矣三大字本就桌上寫成既拳即拭去今無復可得 書院經雨不能無隳損想已加葺治矣聞又得宣城書 為之旦夕遣人至金陵亦當編干本路諸使者也 **牒發來當與收附或刻之金石以示久遠計二公必樂** 既已刻成煩且打一本寄來可就修即就本修去不可 籍及建昌莊田今侯亦一月中一至此足以為久遠故 即後磨去亦無緊要用處也諸生今幾人想時討論亦 答白鹿長武 F

金片区位台雪里

走介請祠矣却有小事拜怨學中元範教授立得漁溪 大三日日 人 紀為民整頓一二久遠笑滋兩日來覺氣象殊不佳已 竊惟斯之有相益向平復熹到此初不自料欲小立網 前日兒子行拜狀矣即日天氣不定不審尊候復何似 其股羣不率者亦且革心矣 心唱尊不以彼已之私介於胸中則後生有所觀法而 有緒山中閒曠正學者讀書進德之地若領袖諸賢同 答吕伯恭三首 江西通志 子五

李公擇陳了翁祠通榜曰五賢蓋四公此間人而了翁 里只在歸宗之西三四里前日晷到令人歎慕不能戶 附此於汝昭兄弟處書到切望便為落筆却懇韓大借 拜怨而小郡寒陋之甚不敢多遣人出入只令入都 記於欽夫矣五賢之記意非吾伯恭不可作本欲專人 亦當滴居於此也周祠在講堂西五賢在東周祠已求 一介送來或恐熹已行即徑送楊教授處可也陶公栗

をかりでたる

祠堂并以二程先生配食又立得陶清節劉凝之父子

請耳韓丈不暇拜書盖此所避正韓丈向來所遭職籍 堂看得廬山耳然非暇日不敢出出又有所費初亦不 相見煩為說及此來不曾了得公家一事但做得此祠 候未平不當有此請然恐己清安不妨運思故敢以為 事尤令人感慨今禮録呈想已自見之也極知老兄體 敢數數令學目子無多不免每旬一出也罷書才到 已廬山記中載前賢題咏亦多獨顏魯公一篇獨不干 之流甚恨失計輕去山林與踏於此如坐針鹽之上也 口乃通も

萬加愛為禱不宣 得望顏色喜似深矣比日想益輕健但數日暑氣異常 近得子約書知已還舊隱又見德化主簿經過云亦當 約與俱游山也正遣人所欲言者尚多皆未暇及惟干 属門之騎矣今日周先生之子來訪令人恨然明日亦 徑走谷藻轉山北拜濂溪書堂之下而歸亦足以少復 祠記近巴半事奉安不審能為行思否此不敢必但若 不知宜如何耳又聞尊嫂亦皆不快想亦無他也前請

欽定四庫全書

卷一百四十

一得之不惟為此邦之幸亦使四方善類知老兄病中猶 不廢此足以少自慰也虛阜奇處盡在山南玉淵三峽 盖已屢到但此數日來不欲暑行勞人徒夢想水石問 也三峽之西有懸瀑寫石龕中雖不甚高而勢甚此舊 名即龍有小庵已廢近至其處不免捐俸金結茅欲畫 孔明像壁間俟得解郡事且入其問盤磚旬日而後去 耳此來百事敗人意獨此差自慰耳 百鹿書院水為記述非惟使事之本未後有考焉而所 いいり戸 から 江西通志 亚

至另 巴尼 有量 時與錢子言商量只作禮殿不為像設只依開元禮臨 不服也 納書几內一本装標與濂溪祠堂記為對又有雜刻數 以發明學問始終深淺之序尤為至切此邦人士蒙蓝 南康從犯畫像乃取法監學已詳報吳廣文矣白應當 既多而傳之四方私淑之幸又不少矣謹以十一本投 種并住伊川先生與尹和靖者可皆作一卷此人亟行 與曽致虚書

灰定四車全書 學 罪戾敢私言之意愚昧之資少即陳懶書史之外酷好 善區區愚懇已其前幅復不自量軌有踰涯之請忘其 皆不謂然但今已成恐致之又似非禮此更在尊意斟 望像地坐則此不為無據也 席而坐於地亦適古今之宜免有匍匐就食之謂子言 祭設席最為得禮之正不然則只用燕居之服以石為 酌報之也盖幼年間先君言皆過鄭圃謁列子廟見其 與丞相别紙 江西通志

儒右文之化則意雖不肯請得充備洞主之員将與 省矣因編安意以為朝廷償欲後修廢官以聞祖宗崇 絕之致養惟是雖退解而實先朝所當留意不當廢墜 山間又得所謂白鹿洞者溪山遂密林樾戊美尤有幽 泉石號為東南最殊勝處固已私極所顧而去歲勞農 山水今以其官造化之力乃得為吏虚阜之下其丘林 至於如此乃即其處復立七架小屋五間亦已具狀申 二學徒讀書講道於其問無幾上有以副知遇使令之 7j

以寛之 輕具公狀中開惟冀釣慈深察愚惧都俞之暇因事及 大三り町とかり 如祠官之入則在意又為過望而於州縣亦不甚至有 意下有以遂其平生之懷若復更家於隣假之稍廪各 靡耗顧以事體希潤言之若草野而倨侮者是以不敢 不訊記曹又復逾時然早作晚寢渴飲饑食皆涵泳邦 與錢伯同二首 可從則意之受賜為不淺矣在妄之罪亦惟有 江西道志 陸九淵 芜

患故荆公一切指為流俗於是排者蜂起極該些之言 至於股去古既遠雖當世君子往往不免安常習故之 未嘗不以完舜為標的及遭逢神廟君臣議論未當不 金万里及人門里 罪此學不明至今吹聲者日以益眾是美足以病荆公 君之澤尺贖疏數尚奚足言荆公英才蓋世平日所學 以完舜相期獨其學不造本原而悉精畢力於其末故 用之心故新法之行當時該排之人當與荆公共分並 不復折之以至理既不足以解荆公之蔽反堅神廟信 卷一百 对十

約求教 鬱深願自是一發舒之遣人臨存適越在他境不即奉 シュンコラ ニチラ **哉祠字隳败為日之久莫有敢一舉手者亦習俗使然** 答站以此謝緩報之罪記文尚遲旬日當成就其說馳 厄籍庇宏矣兹山之勝尤在瀑流東有際潭西有半山 居山逾一甲子遊飽雲山之變飯稻羹魚無復在陳之 中書謂執事欲以記文下委不覺喜温支體盖兹事湮 耳執事慨然一新之非特見超卓其何能如是比得倅 江西通志

道之王弱翁力酣於綠尊紅妓安能作字哉文公祠記 吾當併書之遲旬日納去 詠歌共問懷吾賢使君之德何有窮已故亦樂為執事 暑偃蹇隱見於林杪時相管領令人忘歸日與二三子 孫潭不下玉淵半山可亞 卧龍精舍之前两山迴合又 曰飛雪木石自為階梯可公以觀两岸有蟠松怪石却 二曰噴玉三曰飜濤四曰疎珠五曰水簾六曰雙練七 澗垂注數里噴薄飛灑於茂林之間一曰風練

金分四人自己

いたろう 101 ところ 對數伏想大攄素蘊為明主忠言動悟淵東以幸天 劇不得嗣問後又經時日深馳鄉聞已赴閱奏事何日 黄易二生歸奉正月十四日書備承改歲動息慰院之 西境距散廬两舍而近實龍虎山之宗巨陵特起極然 信否誠得如此宣勝慶幸鄉人彭世昌得一山在信 恨未得即聞緒餘沃此傾渴外間傳聞留中講讀未知 如象名曰象山山間自為原塢良田清池無異平野山 與未元晦 江西通志 丰

載同樂甚昔年兩得侍教康盧之集如於於舊湖然猶 為茂林瓊瑶冰雪傾倒激射飛灑映帶於其間春夏流 龍未易優劣住歲彭子結一廬以相延某亦自為精舍 稍稍結茅其傍相從講習此理為之日明舞雲詠歸子 於其側春間攜一姓二息讀書其上又得勝處為方丈 肚勢如奔雷木石自為階梯可公以觀佳處與玉淵 以居前挹附山奇峰萬疊後帶二溪下赴彭蠡學子亦 卧

金石以及石山里

澗合為瀑流垂注數里兩崖有蟠松怪石却畧偃蹇中

卷一百

人已习后 白門 仁明豈其或疾母乃胥吏之姦有以受惑視聽而致然 未厭道途之傳沒異前日最尋至今良所未喻執事 竊惟執事天潢之派桂籍之英迴翔仕途繁襲百里下 每日恨惘 思 茶卤淺陋未能成章無以相發甚自愧也比日少進甚 之初政警詢然凡在封疆莫不鼓舞印月之間歌頌 一侍函大當有啓助以卒餘教尚此未能登高臨流 與趙字 江西通志 圭

擬於青近非股民脂膏而何以取之願執事深察其發 獻科欽之計者其名為官其實為私官未有一二而私 明顧乃下與吏胥為黨貢諛獻佞以家執事大抵吏胥 公上士大夫之得交於下風者固宜陳忠進諫以輔聰 餘九輕宵肝之處吏胥貪鄙旁公侵漁惟利是見豈恤 已事可見九重勤恤民隱無所不用其極其在荒歉之 金ピノロアとろう言 耶金谿為邑雖陋而財賦初不至甚窘求之異政得失 八九矣此者數吏魁田連阡陌樓觀旨差服食無設

逐朝夕於将命以完所懷徒切負愧茲蒙下問之及斬 17. 17.21 1.27 懷疑者皆已冰釋矣然所在積弊非一 少效區區逢執事之不閒不獲展露既而患難困苦莫 比來道路田畝皆鼓舞盛德汗吏點骨頗亦斂戢向來 薦其愚 事之仁政則日月之更人皆仰之矣其修敬之始已欲 與趙子直 ,斷然革之使百里之内知執事之仁心被執 工西面艺 一日可去要當耐 丰

**姦貪寢食出沒之處而吾人之所疎者比當考完此等** 去之則州用軍糧名會等米皆取於此有不可關於是 其手輕重不均有臨川陳知縣鼎者議革其獎以為盡 頗得其方盖事節甚多難以泛及要須於一 久緝理想大賢之心亦未易滿也大抵益國裕民之心 調撫之秋輸向者病於加合之無藝又受領官吏高下 其要須則其他却有緣通類舉之理所謂一堵牆百堵 在吾人固非所之弊之難去者多在簿書名數之間此 事精熟得

**鄙**吳四庫全書

卷一百四十

万人民的自己的自己 計 後來又於三肝之上 約 领官吏官吏 詳解有不為其所欺者解面之弊去 矣所謂解 日不測入倉百姓皆訴 不知先已两解納三解已是算足州 每斗加五 而」 無輕重不均之 軛に 面省又在 十合而令两 一又か 用軍粮名會米為解提舉不能 此外刻欽 江西面息 斛 斛 一弊氏大便之陳知縣既 面太重係提舉方責馬受 面皆有徐提奉者甚受 用軍粮名會等 五年前 三五四

金グピムノ 貢成城 周公制國 有展西州縣 十三四今未獲者尚多已獲者亦 在今歲尤為可念列其詳細數的呈幸少留意觀之亦 可時估中價準折而折穀折糯侵民之直至於再倍 正之民己大悦今歲無雖小稔而連雨 一堵牆百堵調者世儒即及簿書獨不思伯禹 殊無見假之意稅和 制民産正 CONTRACTOR OF THE PROPERTY OF 孔子會計當洪範八政首食貨 經界米皆可恥子官吏日 έĴ 1-折變者令以的 未得春造苗似自當

欠足日を上自 麗而諸公皆議其不祭議者之心固有大病而在大 足損下益上謂之損損上益下謂之益理之不易者也 不為無疵語有失言之成易有謹密之辭不可不察 而至指以老生常談良可數也大者盡公守正今世鮮 為民而令官吏日增術以殷削之如恐不及蹶邦本病 國脈無復為君爱民之意良可數也百姓足君孰與不 弊事日以聚多豈可不責之儒者張官置吏所 利便不可使胥吏見之 江西祖志 三十五

極矣杜俊之出爱君悼時追躡 變壅而溢焉者也相累之驗又其流也子虚長楊之賦 執事之賜偉哉詩亦尚矣原於原歌要於風雅風雅之 色りにカスニュ 作而驗幾亡矣黃初而降日以斯海唯彭澤一源來 伏蒙龍此江西詩派一部二十家異時所欲尋釋而 能致者一旦充室盈儿應接不暇名章傑句焜焜心 天機與眾殊趣而淡泊平夷玩嗜者少隋唐之間否亦 的 卷一百 **蜂稚而才力宏厚偉然** 目 自

章而益大肆其力包含欲無外搜扶欲無秘體制通古 曾無幾時而篇帙沒就散逸殘編斷簡往往下同會之 開闢以來能自表見於世若此者如優雲花時一現耳 今思致極絕的背穿馳騁工力精到一時如陳徐韓呂 足以振浮靡詩家為之中與自此以來作者相望至豫 籍放棄於鼠壞醬畝豈不悲哉網羅搜訪出情珠和壁 雖未極古之源委而其植立不凡斯亦宇宙之奇說也 三洪二謝之流翕然宗之由是江西遂以詩社名天下 ......... 工西面是 1,41,

銀定四库全書 於草恭泥浑之中而登諸篋櫝干霄照來神明與然執 僭有白事金谿為邑封壤祸隘無豪商富民生産之絶 問抱其異以為主人壽其亦江西人也敢不重拜光龍 事之功何可勝赞是諸君子亦當相與舞於於斗牛之 出等夷者稅籍之為路錢不過以十計聞之故老往時 )授家用饒給風俗醇美歲時伏臘雞豚相遺杯酒相 烟稀少民皆自食其力畏事自愛輸公先期無催期 與宋漕 卷一百四十

立額未幾有漕使勾君者知其為横紋初無名色行縣 谿獨不蒙蠲減月解之數為繙錢八百有奇以歲計之當 金谿少吏不解事懼吐實則有罪輕以有名色對故金 之次問邑吏月椿之所從取凡以實告者皆得蠲減獨 日益弊比年荒武益致窮處原其所自官實病之大軍 歡熙熙如也自建炎紹興以來寝不如舊民日益貨俗 輸萬絡股民之端莫大於此食吏並緣侵欲無藝槌骨 月椿起於治與初用兵權以於急兵罷不除因以為額 工西通志

**郵戶四季全重日** 第以非常記契門牆而占籍兹邑當其休戚不敢不告 長無數息誠仁人所樂為也況如執事之賢當不侍赞 官持九牛一毛耳而可使一色數萬家免於窮困流離 積負無所取償復此詢完月橋本末以致祈懇此在縣 脈恤盡却吏胥侵漁之策 細民始有生全之望而月解 末祈請蠲除上府不察吏胥持之竟不施行今縣掌仁 厚愛民甚篤佐貳皆賢適值連歲早傷今歲大旱留意 瀝髓民不聊生縱遇循良莫能善後屢有賢革條陳本 卷一百四十

シュショラトから 一日 以益侵盜積負之源實在於此督至於縣而無所從取 者民豈真有負哉官吏新故相仍有若野置緣絕簿書 官獨足為吏骨崩謝之地以重国吾民耳所謂督於民 賄謝之厚斂取之苛皆此其故也故督積負無補於縣 以濟共私史欲日飽而積負自若文移之煩追逮之頻 之州郡郡督之縣縣督之民吏胥睢盱其問轉相並緣 **基復有管見欲效消埃比年民力日竭國計日置郡縣** 日窘獨吏胥屬厭耳郡縣積負日加歲增版漕監司督 江西通志

蘇掩西障或有以積負輸者上之人不察欣然以喜不 善為上者莫若舍積負而責新輸則賄謝絕郡縣寬民 知其非公家之利乃吏胥之便也舊者輸而新者積矣 金与にたる言 忽之也不識高明以為如何是問倉臺守停皆賢有所 可以息角百姓足君孰與不足殆不可謂書生常設而 則横取諸民耳令常賦之外奇名異類以取於民如所 帳之輸猶懼不給彼又安能輸積負哉鄙語所謂移東 謂月橋者不可悉數郡縣月輸成供具之版帳盡賣版 卷一百四十

字有塗注處併幸亮恕 建請有所施行皆可共事不致有龃龉也聞便稍亟書 與王謙仲

翰之辱大義煥然追勝慰沃江鄉何幸得大賢出鎮然 **基違遠海言三換歲矣區區瞻企何可云喻去冬拜手** 

自朝廷而言則輕重緩急亦已好矣明天子注倚豈其

次定四平全書 足怪獨陰原重重殊未廓清葵灌之心不能不為大明 或疾執事者之不便計必出此亦識者之所前料始無 江西通志

兄子壽後者薄德鮮祐如此舊有拙疾哀苦中大作幾 籍江西以私言之亦惟恐彼人之計有所不行也開府 所望竊料執事此蔽未能遽解則此行殆為私便某 惜之聞去冬不願著足聞藍只欲休去歇去之語尤 旬 至於斃臘月頓愈今頑健復如去春時矣鄉人彭世昌 起行入奏事江西可謂德星聚也其去夏拜書後 ŧ] 何 即有仲兄子儀之喪秋初又哭一 日傳聞下車十連胥慶此非尺贖虚辭也元晦 一殇子乃将為先 閩

ゴサリトノノに

万人三月年 白生 所為馬祖者屬於其陰鄉人因呼禪師山元豐中有僧 華所未識也去冬之堂在寺故址未恆人意方於勝處 於數日盡發茲山之秘要領之處眼界勝絕乃向來僧 山問亦粗有田可耕社日後攜二息偕數友朋登山盤 廬以相延去冬常一登山見其監復建一草堂於其東 **瑩者為寺其陽名曰應天寺廢久矣屋廬毀撒無餘故** 址埋於荆樣良田清池沒於茅章彭子竭力開闢結 新得一山在信之貴溪西境距散廬两舍而近唐僧有 江西通志

之其經營之初亦張為之地今張氏子弟成來相從 常出雲雲之自出常在其高故也一家結廬於前山之 家結廬於東塢之上比方丈為少高名之曰儲雲茲山 析舊亦多遊從者彭世目極貧開山之後諸張實飲助 諱運其諸子都徙居都陽其諸姓成在故里皆尊尚儒 金ピクロアルノニード **翕然以象山為稱故侍即張南仲之居實在山下南仲** 為方文以居顧視山形宛然鉅象遂名以象山草堂則 扁曰象山精舍鄉人蓋素恨此山之名辱於異教今皆

アニリカラ とかっ 變千狀萬態不可名模兩山迴合其前如兩臂環拱臂 山之崖有歇石可坐五六人皆有着松蜡覆其上其下 如線大者如練着林陰翳巨石錯落盛夏不知有暑挾 問之田不下百畝公流而下懸注數里因石賦形小者 數十里遠者數百里争奇競秀朝暮雨陽雲烟出沒之 者未已未及名也方文管間層戀疊嶂奔騰飛動近者 冊其間可以終日東山之崖有繙經石可想十許人西 右石澗飛漾紫行带其側因名曰佩玉相繼而來結廬 江西通志 里二

多分四是石量 縹緲如畫山形端方康利英越所未見有也下見龜峰 望南望奉山益遠溪谷原野畢露東望靈山特起凌霄 屏名曰翠屏其上皆林木也北峰之高者如蓋可以登 東西塢有第一峰凡此皆舊名嘉者此山大勢南來折 大旱不竭可以結廬居之自塵湖而北數山之外有馬 壁立萬仞山之陰有塵湖在其巔天成一池泓然如鑑 祖恭其處亦勝有風洞有浸月池有東境有樺木境有 而東又折而南其高在西北堂之西最高九峰聯絡

山之書聞治行之忙不及瞻望今已息看共學耕於此 之下略贵溪以經兹山之左西望貌站石琵琶諸峰崎 却首躬背形狀逼真玉山之水盖四百里而出於龜峰 於着於烟霭中矣彭世昌去冬亦當至無為求見挾梭 碎逼人從天而下溪之源於光澤者間見山麓如青玉 版北視上清仙嚴臺山僅如培樓東西二溪窈窕如帶 二溪合處百里而近然地勢早下夸曠非甚清徹宮沒 Ì

欽定四年全書 泉貸專屬星幹總一道以鑄山運一鞭而滿地但見阜 庇敬裁奏計仰告戍期其官今士指南名流華盖春陽 要所寄志雖切於字民治劇非長心甚虞於曠職瞻水 温厚外示德人之容山水清明內潛君子之智三異仁 中都結殺害陪一日之雅遊支郡把麾遂籍二天之大 通於九府不煩分隸於三官停記外庸即登近侍炎分 字於衆志十奇聲徹於宸聰望實浸高春知彌篤看提 饒州之任上吳提點 四、

無戾於官箴 在望欣懼交懷仰籍好慘幸獲依於德字更期份策庶 回袁州曹守

拜賜首勤君子之為謙修慶未追懷慚不敏其官英才 崇膺之檢分守竹符五馬鼎來聞說賢侯之無字雙魚

摘伏照十二乗而珠有輝光持虎節於靈山授魚書於 題秀深識疏通劇劇 撥煩解數十件而刃無 缺折發奸 溫浦治聲聞上遺愛在人日邊丙夜之憂欲孚德意江 ) .. l. L. 江西通志

· 直之甚高喜愧俱深編摩莫寫 舊披霧末由魯析相聞幸依仁之孔遇卯雲有爛感陳 朝廷何暇與百姓分說兩月以來江西舊楮收拾幾盡 米而已鹽價之窮不知者專咎朝廷其實固不盡然然 其投閉窮谷外事無所預知其得於耳目所接有可以 左宜春之與今號名藩暫領一麾即歸雙闕其聞風惟 上助聽聞者非固附逃無由登徹今之大計惟格與鹽 上廟堂論枯鹽書 徐鹿卿

銀定四庫全書

卷一百四

灰足四年全世 图 宣朝令實然自軍将州郡夾雜虧減而又取盈於是積 一馬亦可也抑古人有言若弓之張誰能 弛之官價增重 價可以次增舊之增即新之增也第有利必有害苦於 标而為紙而存其堅完者以當小會遲之數月二百之 減舊所以扶舊舊於何而減曰當取十七界腐爛甚者 價增至百九十矣新亦與之俱增此浮鹽之功而大丞 食淡者江西湖南為甚然救得枯弊則暫時之害勿問 相救内與第一事也格於是可扶持矣存舊所以扶新 江西通志

重シドノノニー 高則私販愈爭必使官價小平而後私販自止比見違 禁者魚貫於路深望朝廷思所以為舜爭之道私贖公 而至此所謂疑似致謗是也其前所議浮鹽以為價愈 文言之詳矣當蒙下賜釣汗以為邊事息則罷之有以 得丞相之心矣不該今歲邊儲羅本如何若二事已定 則自丞相行之自丞相弛之使天下曉然知賣鹽所以 收楮則正大明白孰不恆然心服皆将謂經論老手所 以問盟斡旋者有非常情所能窺測豈不甚盛美矣乎江 卷一日 ٧IJ ·ŀ

たいりはんなう 孫何齊孫僅之名宋和遜宋郊之榜韓家閥閱英氏簪 二難已叢百處竊惟至開我米等壽斯文竟臭以壯歲 多亦須以早降本為先出位僭越等祈釣祭 拏魁堯咨為之接武子由以弱冠登第子瞻至於聯芳 功名之主宰僧彌出法護之右越石居楚金之先人美 是那大夫賢者書新道藝之賓與百黨小子斐然得遇 四早禾僅兩中熟晚稲木保其往六十萬之雜為數已 一權即陳通判高謝解 江西通志 文天祥 宝

でありて、人口丁 前人之弓治勉為今日之其表有嚴君焉唾棄萬年之 腰皆一時兄弟之傑然乃我朝科目之處者甲於江右 膀帖久寒石室青也閱癸五狀頭自入本心墨譜恐負 未若廬陵名耀帖金以一門而五董筆香ս墨不十歲 借种歸舊峽之陰宦錄雲萍分白鷺餘波之潤勘皇祐 賜賢何敢望回如甚者技等飛題才長縮則故家喬木 冠至今文水仁山猶想流風遗俗雖巫步亦期似禹然 而七劉或踵接於重科或肩摩於問監輝煌簡冊雜還衣

とこりをときう **箎過辱庖人繼肉原人繼果方嗟嶋伏未遂雄飛適槐** 選屢中幾成翰林學士之韵蘆遂令伯氏吹埙仲氏吹 盡案頭之靈以孝弟忠信為實地以功名富貴為飄風 栗之禄黄偕棣華而拈采鄭番骰子同拏唱六之籌餐 即梯身李考之階愈出愈奇煩類黃絹外孫之產白屢 非六六餘子之倩有飄飄凌雲之氣自染指時文之鼎 切磋琢磨之地晨窗花露滴乾砚眼之鸲夜帳木油剔 論味難為弟者誓齊兩到之英聲故唯器怡偷之間皆 江西通志 四十六

百解嘲抑偷鬼分明東手二自賜第皆以沈內翰相期 我方巴尼台里 實則潁川之黃霸斯民廣優吾道泰山螺川醉多旨之 鍾於雜優之地一從分刺名雖沂郡之王祥兩屈護摩 起弓經共上中紅之垛天開雙眼地放一頭渴睡漢平 春風熊複樂近民之服日政安亦子解弄挺之亂絕去 進而教之茲蓋恭遇其官秀孕天台英蜚帝學萬承器 十八奏名僉謂劉學士可繼使小子自此升矣皆先生 可弊唐柱五色線要補舜眾器古雲於盆盎之中韻黃 卷一百四十

欠日日日人山町 三日做方鎮以建守今天下大患在於無兵而無兵之 其牙鄉於後進 鞭策不負偷楊諒大賢何所不容知孺子尚或可教冊 花帖之紫思是宜拂楮雪以牋誠候屏星而布謝誓當 日以趣還茲以題與委之勸駕至若豆策之朽質亦該 公得二俊才士不無汗赭於前修古靈為三十餘人尚 撫清人我攘致之横蘇雖借我二天之有幸恐尹京五 已未上皇帝書容 江西通志

有建為方鎮之議者矣失此不圖因循至今日削弱不 全がたけんろうで 以折北不支而入於敵中與之臣識循環故弊之法蓋 臣義士強兵猛将然各舉一州一縣之力以抗敵鋒是 浸弱而盜賊遂得恣睢於其間宣請以來天下非無忠 約束捲甲而藏之傳世彌久而天下無變然國勢由此 昔之擅制數州挾其力以爭衡上國者至此各拱手樹 郡縣繁密之法使兵財盡關於上而守令不得以自專 患以郡縣之制弊也祖宗矯唐末五代方鎮之弊立為 を一百

九江與國隆與與野為都朝廷既傾國之力以赴之姑 **畧做方鎮,遗規分地立字為可以於禍且如江西一路** 未明有如一項兵財宣閩方欲那移諸司又行差撥指 從調遣廟誤淵深盖已得方鎮大意矣然既有宣聞又 今陛下命重臣建宣聞節制江東西諸州官民兵財盡 揮之初各不相照承受之下将誰適從今日之事惟有 有制司既有制置副使又有安無副使事權俱重體統 振受病如前及今而不少變臣不知所以為善後計矣

九己日日から

江西通志

|立規模何由戡定禍亂臣愚以為莫若立一鎮於吉而 創殘至一色則一色為潰事勢至此非人之愆若不別 見謂有兵惟廬陵猶此無備舍堅攻瑕棄實擊虚敵既 法常有所避避八桂則出清湘避長沙則出衡陽今宜春 所不論惟寇之至湖南者已宿堂奧此外八州其措置 州縣之事力有限守令之權勢素微敵至一城則 以此為得策則夫避宜春而趙廬陵其計将必出於此 不容的簡八州之中盧陵宜春最當衝要敵之為兵其

金人匹人自言

たこり日本は 者必分散而不齊許於伍行團結之外别出措置收民 留其四州軍兵見屬伍符者必寡弱而不振見行團結 供諸色軍名盡予帥府交事以前見未解數目亦許截 别路差遣其四州財賦許以自用自交事一日始其上 許以自辟見在任者或留或去惟帥府所為去者令注 擇今世知兵而有望者各令以四州從事其四州官吏 以建昌南安賴棣之立一鎮於表而以臨江撫瑞禄之 丁以為兵彼一州緊急者得三州稍寬緩之力以為之 江西通志 型九

義也陛下一日出其度外之見不次拔數人之沈熱英 方鎮所以故郡縣之積輕今郡縣之輕甚矣則夫立為 東無不可者夫郡縣方鎮之法其末皆有弊所贵乎聖 金分に及る 果者委以數鎮伴各為國家當一面則郡縣之間文移 方鎮之法以少變其委瑣不足恃之勢真今日之第一 人者惟能通變而推移之故郡縣所以矯方鎮之偏重 三月如吉如袁其氣勢當自不同放此而行之江東廣 助三州之寬緩者得一州當其緊急而無後憂不出二 — 酊

こうこうこうこう ショカ・ラ 憂哉 中散米一日不收錢諸大家以次接續服難可及三十 心其實共和人額手大賜其所居里凡干餘家常年家 其伏家公割下問勸分仰見豈弟父母殺民水火之盛 驅寇出諸境外雖以得志中原可也尚何惴惴宗社之 於重運而不易舉旬月之間天下雷動雲合響應影從 不至於太密事權不至於太分兵財得以自由而不至 與吉州守江提舉萬項 江西通志

縣大夫各私其土不肯透泄亦其不得已者此須使司 早稍不過二三分則是民食十減七八此其所以皇皇 食以晚稲充官租今年晚稻半虧顆粒並是入官之數 卻當取禀但四境委有可憂蓋吾州從來以早稍充民! 日隔 也近地多有趨能泉永新運雜者覺彼二處米亦有限 示以意想使之斟酌放行無彼此可以均濟最急莫如 自是舉行明年係紧要年分或須使榜一中嚴之至期 日難可當兩月此方儘可無錢他時不待勘率

金分四月五十

というしていまう 許人赴賴收羅此亦權宜之一策也區區管見站復仁 故為賴計不容旁及鄰邦今歲事既相及又當通變此 盖赖浮橋泄米之令素嚴曰吉號産米而賴多山少田 率而超治國民食關係的可通融兼愛秦晋公之惠也 須古崖一書與李守通情俟得其要領然後大榜境內 低某皆答書云廬陵一敗異於常年田里憔悴不堪舉 通載州之米近同年李守惠書自謂年穀中熟米價日 目惟章貢素無雜事而得歲又偏鄉人顛頓者往往相 江西通志 子

金少区是自電 疑繼而憂憤又繼而大聲疾呼以至於流涕出血相去 勝别後不圖世變云云天下大事幾去其始而版中 其項揭揭入國時江華祖帳為意映甚感激之私不自 明後有利便又須陸續申控 賀何好る時字 悉一百 们

近百日而展轉變化以至若此事變可畏矣哉某學無

**涵養不能謹其所發倉卒來歸求為杜門循省之計籍** 

慶雲在上以此月七日善達鄉國南入境側聞一

一同桑

たんこうし といかの 人為都念此至熟也執事軍期之服為之定制立數求 官錢無定額賦無正籍是以若此其竭澤也平林以 殷人才不競一把二把國家管病之今州縣之於執事 如長才得以自見可賀也吉水之為邑得之朋友見謂 亦此類也凋察項洞之餘雖近於不可為而開繁破劇 氣惶惶已移照鄰次交臂相失懷此恨快當今事會方 與懦大冠逢掖交以程吳歸焉方謀奉狀至屏下而紫 梓若君實成態膏澤之以廉革貪以明易暗以神奇變 江西通志 华

守敬恭其事日夜講行之仰惟施仁發政朝廷甚盛惠也 為李秘丞諸公有請持發諸項橋積賑我廬陵而賢太 為一定之經惠幸茲邑其庶幾乎 全五人四人人 白干 救災恤患鄉曲諸公甚盛舉也承流宣化切切然惟恐 **基府居一屋耳目塗塞忽蒙公贖錄示省礼竊診朝廷** 一夫不被其澤君侯甚盛心也某嘉與鄉邦父老人士 一赞歎伏永不鄙特有下問以某之庸愚不足及此 與古州繆知府元德 卷一百

各有一 九三日事人上上 求稱塞明指傳所謂心誠求之雖不中不遠是也一縣 善至於户口之多寡編排之虚實此則各都各保之事 宰宰最親民若其以實惠及人為意必能周思熟處以 屑屑為此計較恐末流必至多事此惟當嚴責之八縣 所在都保委有奸欺然物之不齊物之情也若以太守 依元雜價錢皆指揮之所已許而使府已遵而行之甚 細玩諸公所陳如隨縣闊狹分撥米數如發糶之直只 縣風俗一鄉各有一鄉事體諸草申請惟各從 江西通志 五十二

信使為军者得依時票承其中便減更好八九分且問 諭諸軍此事令作一項措置不比公事常程每縣各給 絡繹禀請從書表司徑達君候隨手應答如回朋友書 惟吾行所無事自然所濟不細但縣之於郡往往勢分 以數紫袋置循環歷其中使諸草有所申明只於歷中 隔絕若專靠公文行移必有展轉遲滯之患若使府明 其便不患寡而患不均彼必自能斟酌通融而為之說 細微得常達於黃堂之前物來事至無不曲當是則 ルバー Ti ロナ

得已夫復何尤伏念其謾學字人粗期行志見惡如去 安之邑控於諸峒之衝厥有渠魁久為巨靈人不堪命 草必使其絕根馬治民猶收羊豈容有敗羣者别此萬 勢難養寇甘惟專殺之幸事有從權追被至公之貸本非 若有管見憑恃覚貴又得原陳 布宣德意之一大提法也其不當出位僭越承問不敢 不對或者千處一得惟君侯矜其愚而勿罪之其繼此 上吉守范計院啓

次定四車全書 ·

江西通志

從而深詰微蹤因以自明向令天地之可誣寧免春秋 恐難圖遂行國人皆曰殺之言不暇士師則可以之問 莫保室廬之安天誘其東俾離巢穴之險蛇如不斷並 金グレ 之責備兹蓋伏過心知任理治宣求名以善變而酌事 彼何人者欲有利耶說投報於即筒飛誇書於牆陸大府 物之情以能明而宽吏民之過念其務除民害固能用 如平時知其非貪天功斷不殲人以無罪語之山 以海涵其敢不恪守官常益明仁行大事則從其后 卷一百

澄路伏山中未能再造琴堂下忽承教墨備見愛民憂 焉有貳心為下而亂則刑更當三訊 復崇仁中縣尹書 澄

父已日華上日

俗之散政在乎此至若道流建熊此乃前代亡國君臣

江西通志

五五五

理會却去土木人身上討雨土木人身上果有雨乎

嘗論禱雨之事其言曰名山大川能與雲致雨令都

早之誠心然縣草為百里諸侯所祭者境內山川先儒

金グビムノニー 恭惟先文正吾道之宗家學淵源今獲展布遠方賤士 惠書辭甚佳祭文亦不過如此而已張令史言军公所 其可今錄韓昌黎表州禱雨謝雨三篇為格式宰公所 格哉若欲致禱當用祭文於山川之神罪已哀額庶乎 詞之類皆為誣督亂之辭適足以獲罪於天豈足以感 作此兒戲之樂褻賣甚矣循習至今不改良可嘆恨青 見乃與鄙見畧同謹此以復來施伏惟照察 與許左丞書 卷一百四十

惟寅恭同協肯為轉旋使澄於心得安免致踰分愆義 勞績一旦濫切重賜為之慙作驚悸是用據誠懇辭伏 老禮賢之大德施非其人豈所敢當澄既非熟舊又無 留已去之後荷公朝錫予此聖天子賢宰相衆大臣優 樂扶護哀齡庶或緩死以觀太平未去之先荷政府勉 惜年齒逾邁疾病侵加雖欲久客京華而莫可還家治 荣莫大焉相公以先文正之心為心而澄亦願以先文 亦復竊被餘光至幸至幸澄尸位三年多屋鉅公過愛 江两通志

欠已日起上日

金グアルグラー 正之學為學辭受貴乎合宜庸敢奉白區區之私竊其 垂察相望遥遠惟為國愛重是祈不備 執事以天子之命出宰兹土一邑之治否執事榮辱係 焉執事其可謂職止於簿書期會之間而昧於消禍救 究之遠處耶該曰盗賊起於饑寒禮樂生於富足夫惟 君子而後能不動心於饑寒尚非其人則無所不至矣 胪 與清江葉令書 練子寧

嚴於日夜督察以去夫生民之大害比聞鄉落之間盛 贼之計故有國之典必草雜而禽獨之而郡守縣令尤 曩者草味之初聖人未出泉頑之徒假燒香誦佛之名 次定四車全書 原 臣其可忽於未然之禍而不相告耶雖然言之者僕之 令之青與僕不幸居于此土而人食天子之禄以為王 於妖怪之說而其免於禍災其終也剽掠攻却而為盗 以嘯召無賴而無知之民亦紛然而從之蓋其初也惑 於彌勒之說而私奉其名號者問有之矣此豈非賢守 江西通志 五十七

責也聽而行之者執事之責也今為執事計者無他焉 自散矣語曰滔天之浸始於涓滴燎原之烈延于細微 克惡之尤者一二人置諸法以開示之則好稍破膽而 那之輩敢有容匿者以其罪罪之而命巡檢諸司各于 1 所棣康捕尚得其實許諸色人得以風聞其有邀受財 之所由然後嚴責各鄉里甲使之更相督察以去夫奸 亦曰明朝廷之禁以徧喻鄉邑之民使之晓然知禍福 私相縱釋及懷挟私警誣執平民者皆坐以罪擇其 F 卷一百 .1 • : ě

とうりうたい 却婦凡有干渴非獨公事至於文字若非其人皆拒之 子曰寬一分則民受一分之賜投劾去何益也仁者用 濟王荆公行青苗門人故舊遺書即子每欲投劾去即 杜渐之不可不早也執事其亦少加意焉 心固如是乎倫素性剛福好論世事自卧病山中杜門 倫皆聞程子曰一命之士尚存心於愛物於人必有所 而弗答迺今而有言焉何也孟子曰惻隱之心人皆有 與府縣言上中戶書 江西通志 倫

部定四月至重 五用其六矣欲民之不流離而去為盗也難矣為民父 二今日有秋糧之征有夏稅之征有上中户之征用其 以救之惡得已於言耶古之徵者三君子用其一緩其 則多方救護之吾邑之民国於苛斂其患甚矣子無力 之朱子曰凡民有忠難勢可言於官則為言之不可言 幼時猶未有也祖宗之時未有此法也各布政司未有 母行政何忍至於此也諸征姑勿論以上中户言之吾 此 一例也作俑者何人乎始者一里或一二名今一里有 卷一百四十

云合縣二千六百名旅則曰一千四百八十名吁何其 題者有之無糧者有之軍匠者有之秀才者有之縣寡 多也詢之旁縣無如是之多也徵之往時無如是之多 たとりないまする 難永樂以來雜後悉免今不下二百名矣所征人戶逃 也度諸事勢亦無如是之多也吾鄉八九兩都素號重 田無逃亡此可施之於經界既正之時不可施之於賦 十數名者一家有兩三名者一都有百十名者聞諸 ,獨者有之欲憑元報以盡征之可乎若曰戶有虚絕 工两週志 五九

金万巴屋白書 藝之日何也民田敢數升官田敢數斗下甲人戶原 個 多矣凡有科差吏胥舞文里老受託以上而為下以下 數十石者一家有至數石者欲報糧以定征可乎吾見 書作弊飛派說寄一區虚糧有至數百石者一里有至 官田寒暑之衣食不給横豪之剥削無己官府之征求 無勢乃以官作民鬻於他主田居富屋糧坐下户況里 而為上田連阡陌者諸科不與室如懸罄者無差不至 可痛也可悲也今所征人户贵屋者有矣實田者有矣

寧為民父母行政何忍至於此也若求敗於糧里已敗 一貫牛者有矣買子女者有矣脫婦人之簪珥者有矣敲 矣然則何為而可也吾聞紙價數萬四十六縣出之 久已日早日日 两 千五百為率除已征若干尚久若干未征若干其逃亡 虚糧已敗鹽糧又敗中户敗如是其多也民有所不堪 不順苦雨連月米珠新桂官吏里胥旁午鄉曲雞犬不 朴之下何求不足完號之聲上徹於天人事既華天道 一千則四萬六千矣縣加五百則六尚矣吾縣以 江西通志

損益又在執事裁之也主於不傷吾仁民之心而已若 恐仁者之用心不如是獨執事未知其情耳使知之也 據元申之數務求取盈以媚上司之意而失下民之望 其有不從乎或曰其如上司何予應之曰公卿大臣其 朋合少則獨征足一千五百之數則已矣事難懸度其 死絕軍户生員質難下户悉應蠲免外其餘人戶多則 伊周高談孔孟其志何如哉一旦得行其道其不能為 天人即抑生於人間也方其因於問問游於學校擊節

金りにんろって

次足以上全書 執事為白鹿書院起發件士子講明朱學甚善比到洞 傷其命傷其命則傷其本矣朝廷建官分職所以固其 吾民之福乎民者邦之本也財者民之命也傷其財則 者信筆處書不覺滿紙 使布衣也見民苦於新法為流民圖以進況名在從臣 本也諸公共肯傷邦家之本而不能為吾民之福乎鄭 之列者吾當披肝膽以與爾百姓請命諸公宜無不從 與蘇伯誠 江西通志 楊 空

豆其間不亦有輕重之失倫哉宋史道學傳黃幹之 一祠從旁而入為當又二先生,祠宜以黄幹李燔張洽黃 意似猶欠專今不若改門正對二先生之祠其陶李之 先生之祠雜以陶李諸人執事分两祠以祀之尤是但 今兩祠並峙一門共入殊無差別而於尊奉二先生之 中見傑棟一新青衫大集甚慰甚慰更聞向日周朱二 多りに 類陳必等配食諸人皆晦狗高弟常講學共處乃不得 分一席而坐而陶元亮之隱節李太白之文章獨得俎

祀之庶無遺恨不具 熹守南原執弟子禮質疑問難及宋史列傳陳宓字師 請為白鹿書院堂長學者雲集講學之盛他郡莫比張 白鹿洞山南北之士皆來集李燔字敬子建昌人都守 たしり早ら世 時造白鹿洞與諸生討論其各如此冀執事更考而并 復丞相俊卿之子少登朱熹之門長從黄幹遊知南康 治字元德清江人害為白鹿山長黃瀬字商伯都昌人 柳閩縣人常入廬山訪其友李蟠陳安講乾坤二卦於 江西通志 空

也修名山復名書院之舊希世偉事也僕生於海濱今 敢當匡廬五老名山也白鹿名書院也諸公皆世偉人 幣文陳輝映弟宇僕再拜讀書識其所以來之意殊不 金ピノロ、たノココリア 将以培植化原輔相皇極以無負於斯世斯民也嗚呼 山水之中超然用意於簿書之外旁求儒師伴式多士 五十有四年矣未始聞天下有如是之事悠然得趣於 七月二十四日僕方困暑閉齊獨卧字劉二生適至書 復江右藩憲諸公 TĴ ĽΫ

一人是与私人的 一江西通志 而不章歲月侵尋老将至矣其於聖賢之道非直不能 識昏以謬其志弱以小其氣之餒其行愈肆其文落寞 及都人都人非不欲斯道之明也學焉而不得其街其 廢者誰與文公固有待於諸公也諸公誠念此不宜誤 公之道亦罔不惟文公是師也自文公沒至今垂四百 載仕於江右者多矣其間有能一動其心於白鹿之與 其與諸公之心盖異世同符也諸公讀文公之書慕文 感哉昔朱文公之留意於斯地也一脏一詩足以見之 六 士 二

諸公獨不處至此乎天下有任大責重而禄位不與者 舟不濡於大水其才足以勝之非不處而作者也使之 少不處而作者思恒多千里之足不跛於遠途萬斛之 與童子處弗稱乎力也故夫天下之事處而作者患恒 自信而不可得況以導人哉百鈞之任以與烏獲而不 至而已其所求於心措於其躬者亦若存而若亡雖欲 金シロカノニー 軍能勝之則至大至通無方無體故能為天地立心為 不以其誠任之而過其分與自欺而誤人者其失均耳 百百 . 19

欠己り目とはう 有行義寫各之為時望者不以爵秩穹里姓名顯晦凡 吾鉛昔有羣賢堂取是邑前後名賢之所經歷邦人之 士子有所效法以無負於今日之意也幸甚幸甚 遷惑於眾口期匹休於先賢收回東幣更聘真儒俾諸 其分内也宇宙無窮誰當負荷伏惟諸公念之意之勿 地而不恃質諸鬼神而無疑百世以俟聖人而不惑此 生民立極為往聖繼絕學為萬世開太平所謂建諸王 與張學諭書 江西通志 ( t

漢屈指數之幾十人而已矣其當恨之鉛為縣幾八百 志蓋一方之盛典也然所祀邦人自狀元劉公之道而 年而其鄉人之行義可稱者僅止於此豈此外果無其 長者緽韓孝康洙申孝子世寧太守胡公濟憲副胡公 其與祭季通書劉謂鉛山徐子融老成有守當作小 人耶抑文獻不足而無所於徵耶其當讀晦翁文集見 下有宗必虞公泰刺史祝公可久辛公祐襲公歌及傳 有一善言行皆傳之贊之又從而俎豆之其詳具於邑

金に人とんる言

万人三月十八日十三 |每病之蓋世多中人共特立獨行者千百中不能 所慕其可尊而上下者莫不激昂自勵而欲為君子之 惟上之人於其特立獨行者能崇重而表揚之則人有 乎堂之廢不知在何時而邑中鄉賢之祠久矣不設其 融者使其姓名不載於大賢之集則逐将與草木同歸 為晦翁所重則其人必賢者也然吾鉛之人鮮有知子 欲延之家塾為諸子師範子融不知為本色何許人既 於朽腐而已然則謂是邑之賢果止於所祀十人而可 江西通志 注

典自先生與王公創之吾鉛之多賢亦将賴先生與王 之名雖久不沒豈無自奮而思齊者乎然則吾鉛之缺 歸此鄉賢名宦二祠有司不可以不舉也茲幸先生來 固甚少也今兹之舉尚有可祀而無愧者願博采而增 重固不負於勤一世以為心也由是鄉人子弟知為善 賢者沒而有知九原之下必當有以自慰彼其好修自 署縣教奉奉以尊賢善俗為務近聞縣主王公議祀鄉 公作之豈非一時之大快事耶前此鉛之所祀僅十人

アポンピノ くここ

卷一百四十

向年執事在德與聞聽斷之服每與諸生商確文字講 入之勿患其人之多使所舉不公而有愧於俎豆則 以下了日本日本日 其方幸兹學為一時之盛典而報處賢者之或見遺故 則雖多又何害焉大都立祠示教在於至公欲其多而 人濫入已足為此祠之病使所舉無私而有補於風化 以此告於先生惟裁之不備 不賢者與焉固非公也患其多而賢者遺焉亦非公也 與劉進賢書 江西通志 ネイン 2、

今之俗吏可及矣既而更治大邑雖為進賢之民喜而 烟塵之近寢食幾廢且将為遷避之謀三四日前人士 然之故耶生初聞難作處其放兵四掠日夜西望惟恐 斯人陰牖當道之東而預以賢者處兹要地即兹豈偶 治適在疆域之內達道之所實為省東要害豈非天佑 奪此與彼亦不能不為德與之民恨乃今事變忽起貴 評道義已竊歎執事之才力過人其中所養必不凡非 金为以人台雪 從西來者盛傳執事方且獎率義兵守禦不解賊黨過 卷一百

養士皆如執事則淮南之謀自寢而今日之變可無矣 たとり手ととう一種 僕恨相去隔遠未能朝夕左右有所對畫而嚮往之誠 柳公權頡頑下上而其保障東北預代叛謀且使之內 儒生文士首與賊抗挺然為一方忠義之倡蓋與古之 甚沮果爾則亡在旬日况人知逆順皆有擊鼓荷支之 者擒戮無遺誠所謂聽於下風而竊自增氣者執事以 匪朝伊夕聞及賊之兵入湖者已被官兵殺敗而其氣 顧巢穴不敢揚帆而南指則又二顏之事業也使朝廷 江西通志 なと

之受害益甚矣往年安化王謀叛不數日仇鉞鄭鄉安 マカピノロック イコーニー 矣借著前籌以為忠義之助僕雖為怯固不憚於 必待王師之至則事久或變況客兵四集煩費騷然民 志執事與馬餘干兵力果足以勝之何不率之直指城 又儒先明訓執事幸圖之都憲陽明王公亦調兵四集 國等相與聚謀擒其黨何錦丁廣周却而宜雖遂就縛 亦未當待王師之至也亂臣賊子人得而誅先發後聞 下與之一決以早收成功而上報天子耶若拘常守故

暴甚豺狼窩賊兵以劫齊民或舉室盡遭其屠戮散舶 知蛙井之為尊夢統九天記意虎關之難即險如鬼賊 んこりらいたう 之數蓋遭變知權斯不味被髮纓冠之義當幾能斷乃 以漢得周亞夫遂平吳楚之亂唐用裴中立乃成淮祭 兹者恭審糾集義師削平大難將懷所托慶慰尤深稿 也人回無任見教幸甚 不失来媽射年之時惟此逆藩久畜異志望迷四海但 賀中丞王公平定逆藩啓 江西通志

侵乎國柄當此承平之世忽與反叛之謀戕害大臣齊 貨以漁厚利至傾家未厭於誅求視人命如草管新干 五月口是 了 水之防惟人心有所恃而不震不驚斯賊計無所施而 都返布西歸尚思據乎舊穴惡難悉數罪不容誅若非 子所不忍言實神人所同情怒揚帆東下欲首犯於留 拘方面傳偽榜以動摇宗室肆配武以弘侮朝廷皆臣 國有忠賢力扶社稷飛羽檄以申明逆順揚義強以倡 率英豪則虐焰方張誰撲燎原之火狂瀾既倒誰為制

たらり 一大小山の 橋元惡煙銷戰艦江湖無噴激之波鳥避轅門霜露積 浸微浸減士鼓登城之勇首克逆果人懷敵愾之誠爭 之正學忠孝誓申於遠近精誠爭格於神明是以動惟 消天步安而太平永享散騰列郡荷救焚拯溺之仁喜 嚴凝之氣行且陳停執訊奏凱班師國法正而逆類潛 功此蓋大提督中丞陽明王公具文武之全材講聖賢 溢四方免居送行費之苦幸拜非常之變實為不朽之 厥時戰則必克掃除 気複難豁繼照之光整頓乾坤永 江西通志 なれ

常之敢望其身居農敢未忘廊廟之憂家在亂邦恒懼 一部復賜教翰院露莊誦英烈之氣逼人毛髮森竦恍然 忘大惠京魚溉金每懷願助之私賣級持醪莫致趙迎 先此力疾奉啓論所以樂逆寧之禍者甚愧草畧辱不 之喜敬馳尺楮少布寸枕伏惟高明照察不備 宋庸之剝項見兵戈之起已為 選避之圖幸遂底寧敢 真居尊之位芳垂汗竹績紀太常信奇偉而無前豈尋 金少匹是自一言 復無州陳太守書 F 卷一百四十 費 案

必觸其屍敢其肉以除君父之慎而區區一家之讐有 所必誅之賊則人得而討之也恨不快鷹鸇鳥雀之誅 之靈為名教之罪者久矣今其自絕於天為祖宗君父 以犯其怒受其蝮螫之中延及先人泉下之骨百口幾 護衛皆從家兄論議間搞知其微揚言於朝固欲遇之 不足言者幸變起之初執事倡義勸忠消除妖冷為東 不可免以其宗室金枝不敢謀報站血含寬以負幽冥 シュララ とよう 如拜光範而須聲敦也感幸感幸此賊復霜之漸始於 出西河边 とナ

家發塚之囚實從之而其餘孽又碼及陰同圖為合勢 多好四月全書 成德所被又豈直一方而已哉甚雖至愚素奉明教不 集焚其深而蹋其後不日當俘獲罪人以致太平之盛 辟罪在不原望賜嚴禁候決使不致漏網以貽後悔則 周伯龄者近又獲於金谿邏卒之手此蓋派公奏擬大 之應舉族何所逃乎喜聞吳三八己落進賢擒於中而 方長城之障而敬郡賴以無虞不然前此帶兵來者仇 一家存沒之感容有紀極即陽明公謀議既同義旅四 卷一百四十

とこりらいまう 節尤表著縉紳士夫多知之不待言守南昌宸濠未及 此逆賊苦毒數年深入骨髓萬一得志禍豈有涯執事 崇出狱之後已誓不復到江東門矣托疾山居意誠為 南昌太守鄭信卿南自諸生時橋橋筋勵入官以來風 白於世此生不朽之感也人回謝復伏惟鑒亮幸甚 陶鑄之恩等諸怙恃幸為宣明前日之冤使心事得大 敢置身非禮以於門下去冬獻書亦已各陳盖自母兄 満友人書 江西通志

敗甘言說守者同走我軍報有熟勘使此人而居外地 人自府縛出椎楚横加身幾無完膚乃下狱窘繫之月 時勢焰重灼羣有司股慄噤不敢出氣信卿雅持剛正 五月正是白雪 則伍吉州劉進賢之功可立也使此人而死逆鋒則孫 餘遂反縛以登舟信卿殺死不能欲脱不得乃伺其将 尉數人豪遂毒死証奏下具司查問豪先走凶校數十 於所不法輔沮抑之一日笞其至親一人干法者并校 巫許憲副之節可立也吾鄉士夫熟聞其事成謂事

定當有發耀不意為嫉賢者所深中幾落職賴聖天子 かんかり かかう 掌行其得白必矣復何言輔思事或泛而不篤聞或各 定者數年今乃一鳴於朝實非得已然其意在於白心 馬先生查核功罪明而嚴愛惜人才公而切信卿事在 凝碧詩而復官信鄉之事又非二公之比愚聞今考功 **迹使天下晓然知之而已官職在公論渠無所與也李** 及內閣知其冤得在調列信卿里居不出以俟公論之 翰林浮陽之獄賴郭汾陽而免罪王右丞禄山之禍得 江西通志 ヒナニ

流寓於此夫處民本點獨也而横峯山水廳惡居之氣 害有切於家門輒敢以塵清聽所望明公主張以故此 林下生丁洪頓首再拜洪山林中人口不敢談時事利 今辄自達似乎傷於徑矣先生在同年之雅 肯為一達 而不詳其實知之學忍緘默然考功之庭素無其之亦 一方民耳吾信弋陽地方曰横峯其民初自浙之處州 共嫌避惟高明諒之 上霍渭崖為橫峯請建縣治書 卷一百四

穀旋登變者隨定禍慘未極不然莫測其所止也其間 穀稍有怨言者則以火以办勢如烈級風至膽寒此之 斗米千錢碩民遂復束機作亂毀拆人房屋搬掠人財 替熱悍又若有以使之然者故其民易以為亂而難制 住時為害尤还官府莫敢制縮首觀變而已所幸者新 無虞也曰判之力也不知適有天幸蓋數年年穀豐登 不三四年必一變先年添設通判一員以制之人見其 欠足习事全事 一 民頗樂業以故無虞也非盡判之能也今年五月大饑 江西通志

當道諸公諸公目擊其弊初亦奮然即欲舉行奈今事 矣知之寧復忍於恝然即設通判以制横奉固一說也 遠後當其勞無跡可以追各此官事之可以委也亦任 息勢冷又若因循有待寝而弗行民頗觖望夫今擅其 心誓天告乞添設縣治以保生靈洪亦與為歷懇無按 有大變必絕惟類欲率而去之又不忍頓棄鄉井乃結 良民遇變之初懼而不敢出聲及其已定自知将來必 事者之常情也然有心為蒼生計者必為之曲突從新

金グロインニ

巻一百四十

ただり見という一番 係於縣治四境之人往來而交易不息農工商賈各利 多皆無足慮也此實久安之圖也 其利造作役使不時催役市之偏者亦可度日地狹人 害也沉十羊九妆差遣不常乎設縣不但朝夕鈴制 地遇變掣肘亦木僵之人耳奚以制之此無盖斯民利 而習之頑民不得輕動也其所管轄者錢糧刑名百務 有其名無其實也盖彼無銅章不得理刑名雖駐街其 與臺省諸公論殿丁書 江西通志 羅洪先 七四

金グにたろう 實徵以革宿弊事例研除補凑止有七萬九百一十七 嘉靖年間止有九萬七百一十丁而永豐則減為五萬 零七丁猶永豐一十一萬有零蓋洪武初年之原額也 此江右之通例也吉水成丁男子一十四萬二千二百 推收冊無可據實徵便於編派故丁有新舊歲必增減 編派别有實徵數目曰便民也原額不敢虧損故假立 按掛造京省黄冊不敢虧損原額丁口曰連制也府縣 八千八百有零二十六年前令王君之語奉本院刊刻 卷一百四

豐推之他縣可知也是時中訴再三未得允改三十六 舊丁載入課程項下而永豐得書新丁四萬五千由永 いていりらしたう 湯 無歸一夫縣一也實徵有新有舊之不齊此欲清者 從實徵日者詳查本府三十一年改造實徵總冊吉水 年使司編派皇木又以原額十四萬丁起數而他縣皆 所據也二十七年使司類撰總會文冊吉水仍以九萬 仍載十四萬原額而永豐又書五萬舊丁彼此舛錯竟 丁刊冊申繳永豐亦減而為四萬五千七百此編派之 江西通志 とませ

二也府冊一也有書原額書實徵舊丁之不齊此其欲 清者三也竊思當道文移治繁宜難稽聚至此極者要 車之初詳問疾苦而永豐有辭欲均科派此正更生之 幻以存營窟耳自治伊威夫復何言兹者伏遇執事下 收此國初以來舊制也自巡撫清南胡公因坐派增加 之有司不及周知愚民不敢哀顲而拜筆者又欲肆請 也編派一也有用原額原實徵新丁之不齊此欲清者 機也故敢盡言以聞且里甲之派照里起數逐里徵

金分四月 台書

F

卷一百四十

靖十四年間非遠事也夫論里甲則當匀里甲論丁糧 屬重則故也南新一畝起科一斗六升吉水則一斗 所當憐恻者有三日田則重日驛路衝日物產齊查得 嘉靖四年督賦條規吉水與南新共為一則蓋田畝皆 徵指新丁而莫舊丁似不可謂均平矣且吉水比他縣 三升少亦不下一斗有零至二十九年刊行派糧節 則當數丁糧今欲一切以丁糧科派而更目原額為實 處里有虚耗難於均平始改算丁糧以便徵收此在嘉

次足四年上十二

江西通志

縣刀猾唆使肆意需索稍動笞朴無不滿意雖云水夫 量減派今吉水既坐煩擾之害且與簡解各縣歲派坐 載吉水與安仁一十三縣同為一則俱係地當衝要 朴馬九縣均攤其供應館夫鋪陳庫役並無津貼多致 升輕則同算又坐原額虚丁不為豁除此其可憐惻者 於田科則例項下獨遺吉水縣分不為開載致與七 傾家再查十七年刊刻里甲定則於歲派坐派項 一也吉水民性愚懦畏威守法往來公差下人聽信他

たいしりによう 而人坐原額虚丁不為豁除此其可憐則者三也夫執 也使隱忍遏抑幽隱不達不亦辜父母之慈矣乎意激 其欲言之情可憐之狀當若存乎心目非必待其相聞 事愛民惟恐傷之不啻父母之於子也子雖遠於父母 敗水旱無備終歲勤動插不自聊典舊償官無階控訴 而地產各有豐耗獨吉水貧務更無他仰東之陂塘把 可憐恻者二也萬安泰和盧陵三縣與吉水俱當衝煩 則同徵並無減免又坐原額虚丁不為豁除此其 江西通志 とすと

夫子及近時胡敬齊者主之乃能講明斯道以叔來學 比來起處清勝為慰書中稱許過情且諭以無按諸公 其不任奉奉之至 辭直近於唐突亦恃有執事之慈不罪其躑躅跳號耳 西片 巴尼 有言 賢講道之所事之廢與關係斯文不小必得其人如朱 之意此必出於執事謬薦三復感愧不已夫鹿洞乃昔 奉別已久無任懷想遠承專使走山中賜之手書且審 復高憲臺請至白鹿洞書 悉一月四十 夏尚朴

來書所云方将謝絕素所往來温理舊習點養吾誠無 ラン・ショラ とよう 諸公處望力賜一言使得遂所解於未命之先免屋來 求不負初志安敢强承諸公之命抗顏師席院院多言 使重取方命之罪尤見知愛之深矣力疾草草布此不 而其人也哉此實不肖之心非執事莫能照察也無按 近年多病舊學日就荒落安有踐履之功自得之趣如 顧僕何人可以尸此青即僕資質庸下志氣昏情加以 江西通志

一致以地方整急荷戈城隔寒暄常殺未暇潰陳近日園 金分四月在11 久欽德聞幸借福星慶慰之私有非格與所能具述者 遭殘破而今歲為尤甚若石油楓岡橋深灣沙窩俱屯 **廣有名劇賊出犯吾省各巢俱空自一省言之建昌為** 必至而宜黄樂安為賊之所經由自三十六年以來連 切近自一府言之南豐為尤急蓋廣昌新城為賊之所 月殺傷焚蕩淫汗擄掠慘不可言亦臺下所不忍聞 與胡柏泉總制論拜盗事書

户之私不容自默兹輕不避煩瀆仰控明臺惟我公意 責成守備增兵訓練定立條規假之賞罰若土兵足恃 響所加則精采百倍長城之倚特在公一筆之下也今 利床朝不謀少雖廓清掃為之莫不敢與聞而網終備 閉城坐視自保岌岌任其縱横飽滿而去也生也利害 者若非大加振舉則孤城決不可守南豐不守則長驅 20日日日日 一 四出建昌撫州恐貽明公将來之憂也為今之計惟有 則聲勢日彰賊少則可勒賊多則可敵決不至如近日 江西通志

将虚絕之户指甲作乙減東作西開賄騙之局者不啻 户空存者十常八九明文之清勾者累年不數人而縣 甚敢直投為臺下陳之盖軍房猾書世傳其表一切軍 近從里中父老竊竊譚民間事最苦精蠹無若軍事為 居是邦敢盡言哉迫切饒舌惶悚待罪 之當事者應文逃責民隱漠然依準既行百事俱了生 多为区人人 户皆口分之業也軍户之載尺籍者十一而年遠丁絕 與朱鑑塘論清軍書 劉應秋

**饮定四車全書** 里巷見聞豈不具着臺下倘有意乎弟著為絜令将見 實籍於該書之門猶之失實也今所衛尺籍豈不具存 則承沿無自夫無實籍則不得不寄耳目於該書而求 之世相踵襲也誠令戸有實籍則虚實莫淆軍無該書 狀莫可致詰其弊根大都起於載籍之無定本而積書 為挨求是無軍而蒙有軍之累一軍而駕数家之害上 百九甚者錢神所通則飛寄以避實索路莫遂則暗裁 下於若輩數人之手而滋曼為里遊數世之患千態萬 江西通志

報而不實者許都圖里甲親赴長吏首訴訴不當者以 紀及丁巴盡而户空存與一切户存而久住清勾者臺 也與寄詢於吏書寧過信於里遞至公也他如遠代已 即本係實丁特賜除豁與過而存之寧過而去之至仁 其罪罪之或涉疑似審證無據或公稱逃亡委無的脈 在所衛實丁之户註其里居利為成冊其有漏而不報 載冊內異日一遇清勾弟按實丁之籍一覽可辨即有 下就中或俯為奏除或私與批豁或縣可免清亦縣

**致定四庫全書 一** 管軍書吏永可華除不必設愈此誠着生不世之利而臺 邑推廣之即天下可也此法不獨可行於軍又推之即 匠户亦可也仰承德意勉竭努養極知愚狂伏惟寬照 已有次第将稱永利不肖私衷竊謂此法不獨行利 因緣為奸者不得混開挨求以滋騙擾此籍既定一切 而裁擇之幸甚 下無量之澤也因版邑父母業采父老款款之愚行之 與督學查廣學書二首 **各一百四十**江西通志

首帖董公越立朝大節已見省志純乎無議何公廷仁 徳文章主盟宇内片言所寄世以之華 衰斧鉞者也嶺 臺下作人之功裨益世道宏遠矣病廢之夫不能親炙 教二帖生以關味美辨倉素乃自免時所惜仰者則如 北雖不乏才然非多才俗尚敦朴故郡邑東率戒虚浮來 止之思何項不切肝臆也國史之評倚重臺下則以道 官牆亦不敢以尺一瀆左右所謂山林之禮焉耳乃仰 自文施入散省風教一新即度南僻壤士咸果於自奮 久足り日人とよう 官半即脱白沙見此想亦為抱遗憾生所最心服者敝 教語及之無不曰何先生仰不愧俯不作者也黄公弘 足此確宜入良吏傳項見江右名賢錄乃遺之豈以其 作丁侯祠記稱為洪武以來一人為詩稱許者不一 公積作宰新會六年簡於事上勤於惠下陳白沙先生 如對君師跡其所至入於自然無欲之境矣又寧都丁 綱為姚江高足弟子學主戒懼而一循自然竟日淵嘿 焦志聖學以知過改過為入道階梯鄉人至今服智其 江西通志 全二 而

皆為好修其所品騰該郡邑人必有定與竊意量下 蘇有謝風法記寧都有盧雲路達大庾有譚南華一名 亦自不苟乃省志且不載則必修志時此公尚存故也 賢至如大灰侍即劉公節博學宏詞有聲當代其人品 南安則如劉公永者生為諸生時見該府士人能道其 不肖生長是邦無能述其鄉之先達甚自可愧然計動 府先此四公餘如省志所載恨生知之未真不敢强對 弘博採之風機下有司再竅其詳必自無造漏不確

変だと、人名一世

省志不及則有即色東此亦世法勘善之誼詳各之別 又詳教劉大都為國史言耳昨修江右名賢錄意大明 也諸惟台照不備 採擇要以古人好修豈有期於身後之名在生輩今日 其不敢望其下風者寧止十數人固自不敢輕入恐妨 古人不她青史者也餘即散邑如衣公慶麟管公登等 亦惟不失東卖之良耳矣至於國史所不及則有省志 之患矣雖然若董何黃丁劉五公粹美之行斷斷不姚

大足り車上生 一

江西通志

全

故敢邑止以何公廷仁黄公弘網條上而宋時敬邑人 亚月 巴尼白言 其人此區區好德之懿所不能已也 而此遺之明是後死者之責如再訂修名賢錄之補載 **濂溪先生通判度州與之往返甚密著有米困銘具見 康静之風一統志已載此反不錄各郡邑載前代之人** 才順多著名餘站不論有王鴻者隱於需嚴窮採理學 統志所載前代之人當自無遺所取者當代人物 答復真書院書 卷一 7.5 四十 郭德泳

1.17.01 Like 於為縣鐵研於名理束縛於信果此六者似於良 為打照於議論周旋於交接而稍上焉者其樂亦有三 将真之一字對証如何大抵時學之與有三矯節於事 之及也則真之一字斷可識矣近時談學儘不乏人只 易處二先生之教當時雖不知領會然獲見道乾截然 知俱未視其面目者也陽明夫子提出良知一脈先輩 雖然非復人間儀表真有目擊道存者而不俟夫闡發 一理吾鄉理學之宗也憶不肖兒時猶及承松巖 江西通志

弘好四月全書 來愈流愈遠愈玩愈失而莫之底止矣昔孔子幸餼羊 諸大賢何等服膺守之勿失若由此談學講論日煩伎 也遊心之言如何便出諸口失心之行如何便措諸躬 之存欲令後代因羊求禮庶羊存而禮不廢今日之會 俩滋長聚會徒勤支離弭甚毀佛罵祖以為功課恐後 如孩提也稍長知敬吾何以不如稍長也乍見不忍吾 何如哉要知人自有真實在自復孩提知愛吾何以不 何以不如年見時也呼蹴不受吾何以不如呼蹴之景 卷一百四十

貴利達吾有自得者存而不見其加即貧賤国窮吾亦 Dellow Like 已先輩之孳孳拮拮啓迪後進者皆痴呆等也今正為 聖學者只是虚談信斯言也又何怪乎世之指摘道學 夜真一大豪傑哉今人只是視聖人大高以為後之講 **体乎與乾坤同其悠久豈不為聖門親受衣鉢為中與** 隱微之際其謂人莫予觀動念之初凛然帝鑒在茲富 廢毀書院則陽明夫子當先坐以欺世罔人之罪而吾 有自得者存而不見其損浩治乎與天地同其廣大休 上西通志

弘行四库全重 世道不古總由人心不正而我輩講明此學正欲絕孟 商 世道汙人心 國 在真之一字故舍復真之外更無可講更無可為同志 氏正人心 請教不倫 推後之學者其於復真之義尋釋玩味庶有得乎率 朝 與吉水王明府書 段苦心耳蓋人心一正則世道隆不正則 一正則風化厚不正則風化澆而根柢只 卷一百四十 李振裕

並及賢媛存者不多焉藝文各體須備然當取其切於 前賢德業有全體一節之不同愚意以編年中擇其全 該之則傳宜器至載籍所傳烈女則僅載節烈列女則 及之如年代前後不作者亦不妨各為立傳而以數語 至於一行之善一事之美或做班馬合傳之體連類以 體純備者或書官或書盆用特筆冠之於首則傳宜詳 人物藝文全志眉目也人物近見部頒格式止通列而 不分門以便後來續入此法甚善即敬邑舊志亦然但

た三日東白生

江西道太

推通志宜增語錄 成書載之通志者不容濫就一邑以成書載之專志者 國之為吉水人著在荆川左編與卓吾藏書確然可信 志之大端得矣頃接著山舍親書謂江省理學海内所 其文筆最佳者若贈答懷人諸作縣宜剛去二事定而 地方政教風俗者錄之至于山川形勝紀事題名只擇 前志不書最為缺器亟宜增入以符定論夫合一統而 不容疎執事鋭意修復所宜参考史書及正續通考方 一則誠為至當特以聞之左右文信

金グマスノニ

tī

雲垂如我公之德澤及於生民歌思當在爽世者也乃 之名宗節鐵來臨撫兹江國凡所以潔已率屬造士養 恭惟執事一代偉人兩間正氣承淵源之家學擅風雅 常言無當惟知已或不以迁遠見吗 不仰真清而百姓固已家厚福自開府江右未有岳立 民極其心與力之所至無隱弗燭無遠弗周蓋四方莫 有確據若僅就都色志乗恐未足副三不朽之盛心也 上宋無軍書

大人と 日本とせる

江西通志

ハトモ

尤以崇起教化扶正人心為制治之本意閱郡来概念 陳諸公十五人事核於百年之久治舉於萬悉之初祠 讀公所賜祀紀竊有不能無疑者所有大節祠原祀黃 政教而風干秋真不朽之盛事如公所序言者矣而任 勒修復始末日豫章祀紀其於羽異道統扶植人紀襄 確議創為理學忠節名賢两祠置主合祀人為傳赞并 舊額祠記有裨風化者悉經兵燉未能獨復微所屬詳加 非私建名無目附今忠節祠置主黃練而外止列胡

金りせんノニー

卷一百四十

公正四年全世司 一里 宜革即則彭公與明與黃練胡公並被逮不屈死者死 父自盡於沛縣者死孝仍死忠也死皆光明正大而非 建文守死為建文死可知也顏公有為則顏公壞子同 前孝孺要以殉建文也蔡公運則守賓州城死者守為 **國彰彰也劉公端王公高並以爭孝孺獄坐黨死者其** 王公省存十去五而彭公與明劉公端王公高蔡公運 顏公有為不與焉則何即将謂此五公死有可議祀所 門周公是修留公鳳韶都公瑾魏公冕王公良顏公壞 江西河走 44

載數再殿後盧志監陳公弘緒續修志皆載十五人即 感然後可使無端而遺之即則論古考詳者将有忽器 此雖起九原足服死者之心而傳諸久遠不啓後人之 入主既加確議以示無私而損此五公意必有說以處 必有定論而增損於其間則其事鉅其關匪輕今所增 伏讀公移亦稱十五人中間有云凡已在祀典者前人 無可議也舊惟范志大節祠小註偶遺王公省名未共 重りし 有勉強粮轉之私事見革除志中詳司馬萬公恭碑記 总一百

にこうりら ときラー 石不以府名相符為可信而南康府人物有同名祭運 志載矣而惜其未祀于鄉賢為缺典蔡公運本南安府 遣次子有為歸不載從父死為曲筆失實劉王兩公雖 人物未載彭公與明顏公有為名而載顏公瓊小註云 疑有愛憎取舍之解其何以見折衷任向閱通志吉安 當無之故而議者無駁詞祀者有廢主則即事原情者 聖漏之些共何以昭慎重使有為而點之即不顯正其 屬之南康縣人志載官爵死事與原祠記諸公皆以縣 江西通志 かれ

盡節如某公垂祀如某公祠更中毀幸際光復而姓氏 者而併逸之将諸公於此亦有幸不幸即舊邀俎豆於 乃原祀二十四先生止一胡公直號廬山者無敬方胡 者通志仍謬註祀大節祠為可笑其陳公皓反不特書 我与口四五十二 十世一旦而奪其頻繁其何以妥先靈且使來者将曰 刑沒如此無子孫之仁孝者以陳請之無士大夫之賢 公直也今以同名而得並祀之忠節若蔡公又有同名 附註父大猷下為不合今陳公得增入理學祠幸而已

後進始任肅拜祠下指數五公無主位謂必有言於執 鈞嚴應否補削伏惟執事裁察而明教之 明者以訟言之修行砥名完歸泯減曷益哉其何以鼓 事者不致以與廢舉墜之大典彰往勘來之盛心而輕 こうう 則遂遺之矣無之則竟無之矣故不避在瞽干目 能送嘆情之妄議今親祀紀成帙而未有聞也 ニチョ 江西通志

江西通志卷一百四十